



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ



ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ

003095

Ձեռնարկողը՝

«ՍՄԲԱՏԱԲԵՐԴ» ԲԲԸ

գ. Եղեգիս, Քարագործների 1,2

Գործունեությունը՝ Սմբարաբերդի անդեզիտաբազալտների հանքավայրի
արդյունահանման շրջակա միջավայրի վրա
ազդեցության գնահատման հաշվեքվություն
Վայոց ձորի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

թիվ ԲՓ 00095
<29> 10 2020թ.

**Վայոց ձորի մարզի Սմբատաբերդի անդեզիտաբազալտների
հանքավայրի արդյունահանման շրջակա միջավայրի վրա
ազդեցության գնահատման հաշվետվություն**

Ներածական մաս
Ձեռնարկող՝

«ՍՄԲԱՏԱԲԵՐԴ» ԲԲԸ

Փաստաթղթի տեսակը՝

Շրջակա միջավայրի վրա ազդեցության
գնահատման հաշվետվություն /ՇՄԱԳ/
/Ա կատեգորիա/

Տեղադրման վայրը՝

Վայոց ձորի մարզ, Եղեգիս համայնքի Եղեգիս գյուղ

«ՍՄԲԱՏԱԲԵՐԴ» ԲԲԸ ընկերության կողմից /այսուհետ՝ Ընկերություն/ նախատեսվող Վայոց ձորի մարզի Սմբատաբերդի անդեզիտաբազալտների հանքավայրի արդյունահանման նախագիծը մշակված է Ընկերության տեխնիկական առաջադրանքի հիման վրա:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի՝ Սմբատաբերդի անդեզիտաբազալտների հանքավայրի արդյունահանումը դասակարգվում է «Ա» կատեգորիայի գործունեության տեսակների ցանկում:

Նկարագրական մաս. Սմբատաբերդի անդեզիտաբազալտների հանքավայրը գտնվում է ՀՀ Վայոց Ձորի մարզի Եղեգիս համայնքի վարչական տարածքում, Եղեգիս գետի աջափնյա մասում, Շատին գյուղից 4կմ հյուսիս-արևելք, Եղեգիս գյուղից 0.5կմ հարավ-արևմուտք՝ Ճ.մ.1525-1535մ բացարձակ բարձրությունների վրա: Հանքավայրից 100մ հեռավորության վրա ձգվում է Երևան-Եղեգնաձոր ասֆալտապատ ավտոճանապարհը:

Համաձայն նախագծի՝ Վայոց Ձորի մարզի Սմբատաբերդի անդեզիտաբազալտների հանքավայրի պաշարները 28հա մակերեսի վրա հաստատվել են ԽՍՀՄ ԳՊՀ Կոլոմից, 1986 թվականի հոկտեմբերի 28-ի թիվ 286 արձանագրությամբ, 1986 թվականի հունվարի 1-ի դրությամբ հաշվարկվել են հետևյալ կարգերով և քանակով՝

Խճի արտադրության համար՝

Բլոկ 2-A - 966.8 հազ.մ³,

Բլոկ 3-B - 2290.4 հազ.մ³,

Բլոկ 4-C₁ - 2212.4 հազ.մ³

Շինարարական քարի համար՝

Բլոկ 1-A - 57.0 հազ.մ³, 0.23հա



Խճի համար-90%:

Հանքավայրի 5.6հա մակերեսով տարածքում նախկինում արդյունահանվել է 45-50հազ. մ³ օգտակար հանածո: Սույն նախագծով 2.34հա նախագծված բացահանքի մակերեսն ամբողջությամբ ներառված է նախկինում արդյունահանման աշխատանքներով խախտված տարածքում: Բացահանքի արևմտյան կողմում գործում է Ընկերության սեփական քարանձակման արտադրամասը և ՋՏԿ-ն, որը ներկայումս շահագործվում է «ՍՄԲԱՏԱԲԵՐԴ» ԲԲԸ-ի կողմից:

Բացահանքի դաշտի օտարման տարածքը կազմում է 2.34հա, որում ընդգրկված հաշվեկշռային (մարվող) պաշարները կազմում են 402.4հազ.մ³, կորզվող պաշարները՝ 364.5հազ.մ³: Բացահանքի տարեկան արտադրողականությունը հաշվարկված է՝ մարվող պաշար՝ 8048մ³, կորզվող պաշար՝ 7290մ³: Բացահանքի ծառայման ժամկետն ընդունված է 50 տարի:

Նախագծվող բացահանքի ծայրակետերի կոորդինատները ARM WGS-84 համակարգով հետևյալն են՝

1. $X = 4414903$, $Y = 8529613$; 3. $X = 4415070$, $Y = 8529852$
2. $X = 4414984$, $Y = 8529587$; 4. $X = 4414989$, $Y = 8529877$:

Հանքավայրում մակաբացման ապարների հաստվածքը ներկայացված է հողաբուսական շերտով և այլովիալ-դեյուվիալ գոյացություններով, որի հզորությունը դիտարկվող տարածքում տատանվում է 1.7մ-ից մինչև 3.2մ-ի սահմաններում, միջինը կազմելով՝ 1.98մ: Անդեզիտաբազալտների հզորությունը տատանվում է 8.3մ-ից մինչև 31.6մ-ի սահմաններում, միջինը կազմելով՝ 20.98մ: Հանքավայրի տարածքի 0.8հա մակերեսով հողատարածքի նպատակային նշանակությունը “արտադրական” ընդերքօգտագործման է, սեփականության իրավունքով պատկանում է «ՍՄԲԱՏԱԲԵՐԴ» ԲԲԸ -ին, իսկ մնացածը՝ գյուղատնտեսական նպատակային նշանակության արտավայրեր են:

Արդյունահանման սույն նախագծով նախատեսվում է աղյունահանումը կազմակերպել բաց լեռնային աշխատանքներով՝ հիդրավլիկ ճնշմամբ հարվածասեպային եղանակով:

Նախագծվող բացահանքը վերջնական դիրքում բնութագրվում է հետևյալ պարամետրերով՝

- ամենամեծ երկարություն՝ 278մ,
- ամենամեծ լայնություն՝ 84.5մ,
- աակաբացման ապարների միջին հզորություն՝ 1,98մ,
- ամենամեծ խորություն՝ 20.0մ,
- ագտակար հանածոյի հաշվեկշռային պաշարների քանակ՝ 402.4հազ.մ³,
- արդյունահանվող պաշարների քանակ՝ 364.5հազ.մ³,
- աակաբացման ապարների քանակ՝ 55.4հազ.մ³, որից 1200մ³-ը նախկին արդյունահանման աշխատանքներից մնացած տեխնաժին թափոնային առաջացումներ:

Բացահանքը մշակվելու է ընդլայնական ընթացաշերտերով, միակողմ մշակման համակարգով՝ 2.5մ բարձրությամբ աշխատանքային հանքաստիճանով:

Ընդունված մշակման համակարգի տարրերն են՝

- աստիճանի բարձրություն՝ 2.5մ,
- աշխատանքային հանքաստիճանի թեքման անկյուն՝ 90°,
- աշխատանքային հրապարակի նվազագույն լայնություն՝ 30.0մ,
- անվտանգության առափնեի լայնություն՝ 1.0մ:



Արդյունահանման աշխատանքներն իրականացվելու են էքսկավատոր-ավտոինքնաթափ լեռնային համալիրի միջոցով: Հանույթային աշխատանքները կիրականացվեն “ՅՕ-3322” մակնիշի հիդրոսեպով էքսկավատորով: Օգտակար զանգվածը կտեղափոխվի սպառողի ավտոինքնաթափով: Մակաբացման ապարները ավտոինքնաթափով կտեղափոխվեն 0.5կմ հեռավորության վրա: Ելնելով նախագծում ընդունված մշակման եղանակից, ինչպես նաև լեռնաերկրաբանական պայմաններից ընտրված է ներքին բուլդոզերային լցակույտառաջացումը:

Հանքավայրի բացումը կիրականացվի նրա արևելյան մասից, որի մինչև հատակը՝ 1170մ բարձրության հորիզոնները շահագործվելուց՝ նրա վրա մակաբացման ապարները և տեխնածին առաջացումները տեղավորելուց հետո, կմշակվի հանքավայրի արևմտյան մասը:

Մակաբացման ապարները նախագծված բացահանքի եզրագծի մեջ ներկայացված են 0.4-0.6մ հզորությամբ /10900մ³ ծավալով/ տարբեր քարերի բեկորներ պարունակող հողաբուսական շերտով և 1.7-2.1մ հզորությամբ այլովիալ դեյուվիալ նստվածքներով՝ քարաբեկորներ պարունակող ավազակավերով /որի ծավալն է 44500մ³/: Մակաբացման ապարների 55400մ³ ընդհանուր ծավալը բացահանքի շահագործման տարիներին սկզբում կտեղափոխվի հողաբուսական շերտի N1 լցակույտ, իսկ էյուվիալ առաջացումները՝ N2 լցակույտ: N2 լցակույտ կտեղափոխվեն նաև օգտակար հաստաշերտի տանիքը մակաբացման ապարներից մաքրելու ժամանակ խառնված ապարները՝ 2400մ³ ծավալով: N2 լցակույտ կտեղափոխվի նաև նախկինում արդյունահանման աշխատանքներից առաջացած տեխնածին առաջացումները՝ 1200մ³ ծավալով:

Արևելյան մասը շահագործելուց և նրա հատակին N2 ու N1 լցակույտերը ավտոինքնաթափով տեղափոխելուց և փռվելուց հետո, կստեղծվի ներքին լցակույտ:

Հանքավայրի արևմտյան մասի շահագործման համար մակաբացման ապարները (որոնք տեղադրված են N2 լցակույտում) և արևմտյան մասի բացահանքը ծածկող մակաբացման ապարները, կտեղափոխվեն բացահանքի արևելյան մասի շահագործված հատվածի վրա՝ լցվելով 3.2մ բարձրության վրա կհարթեցվեն: Շահագործման ավարտին աստիճանաբար արևմտյան մաս տեղափոխված մակաբացման ապարները կփռվեն հանքավայրի 1170.0մ բարձրության հատակի մնացած մասի վրա:

Հանքավայրի համար խմելու և տեխնիկական ջրամատակարարումն իրականացվելու է հարևանությամբ գործող քարամշակման արտադրամասի ջրամատակարարման ցանցից: Բացահանքի ջրամատակարարումը տեխնիկական ջրով նախատեսված է բարձման աշխատանքների ժամանակ, ինչպես նաև փոշենստեցման, աշխատանքային հրապարակների, ճանապարհների և լցակույտերի ջրման նպատակով:

Հանքավայրի շահագործման ընթացքում մթնոլորտ արտանետվող վնասակար գազերի և փոշու աղբյուր են հանդիսանում բացահանքը, տեխնիկական և տրանսպորտային միջոցները, լցակույտերը: Օդային ավազան արտանետվող վնասակար նյութերն են՝ անօրգանական փոշին, ազոտի և ածխածնի օքսիդները, ածխաջրածինները, պինդ մասնիկները (մուր): ՇՄԱԳ-ում հաշվարկվել են արտանետումների քանակները, որոնք փոշու համար գումարային կազմում են ընդամենը 0.588 գ/վրկ (առավելագույն), կամ 17.53 տ/տարի: Իսկ դիզ.վառելիքի հետ կապված արտանետումները հաշվարկվել են 0.128 տ/տարի կամ 0.017 գ/վրկ: Արտանետումների ազդեցությունը գնահատելու համար կատարվել է դրանց ցրման արդյունքում սպասվող գետնամերձ կոնցենտրացիաների հաշվարկ /“Էռա”(“Эра”) համակարգչային ծրագրով/, որոնք համեմատվել են բնակավայրերի համար սահմանված սահմանային թույլատրելի կոնցենտրացիաների



(ՍԹԿ) հետ: Համաձայն հաշվարկների արդյունքների արտանետվող նյութերի գետնամերձ կոնցենտրացիաների առավելագույն արժեքները /հաշվի առնելով նաև ֆոնային ցուցանիշները/, չեն գերազանցում սահմանված ՍԹԿ-րը: Առավելագույն գետնամերձ կոնցենտրացիաները ՍԹԿ մասով կազմում են՝ անօրգանական փոշի - 0.48877, ազոտի երկօքսիդ - 0.059, ածխածնի օքսիդ - 0.08, սահմանային ածխաջրածիններ - 0.0037, պինդ մասնիկներ /մուր/ - 0.0386, ծծմբային անհիդրիդ - 0.04: Հանքավայրի շահագործման արդյունքում մթնոլորտային օդին հասցվող տնտեսական վնասը գնահատվել է 1423900 դրամ:

Հանքավայրի տարածքում աղմուկի առաջացման աղբյուրներն են՝ բացահանքի լցակույտերի և ճանապարհների տարածքները: Աղմուկի մակարդակը սանիտարա-պաշտպանիչ գոտու սահմանին (հեռավորությունը աղմուկի աղբյուրից կազմում է 500մ) կկազմի՝ 40դԲԱ (նորման՝ 45դԲԱ):

Բացահանքի շահագործման ժամանակ բնապահպանական միջոցառումները ներառում են.

- փոշենստեցման նպատակով փոշեառաջացման օջախների (աշխատանքային հրապարակները, հանքախորշերը, լցակույտերը, մուտքային և դեպի լցակույտեր տանող ավտոճանապարհը) ինտենսիվ ջրում տարվա չոր և շոգ եղանակներին (օրեկան 2 անգամ):

- աղմուկի մակարդակի նվազեցման նպատակով տեխնիկատրանսպորտային միջոցների աշխատանքի ապահովում՝ ձայնախլացուցիչ սարքավորումներով,

- տեխնիկա-տրանսպորտային միջոցների երթևեկության բացառում՝ ճանապարհներից ու արտադրական հրապարակներից դուրս,

- բացահանքի արտադրական հրապարակի շրջակայքում կանաչապատում՝ տվյալ ֆլորիստիկ շրջանին բնորոշ ծառերով և թփերով,

- դիզելային շարժիչներով աշխատող լեռնատրանսպորտային սարքավորումների վրա խլացուցիչների և արտանետվող գազի հոսքի վրա զտիչների տեղադրում՝ թունավոր խառնուրդների չեզոքացման համար,

- նավթամթերքների պահեստավորում և պահում՝ արտադրական հրապարակում հատուկ հատկացված տեղում (բացօթյա կամ ծածկի տակ պահեստ),

- օգտագործված յուղերի ու քսայուղերի հավաքում առանձին տարաների մեջ՝ հետագա ուտիլիզացման կամ երկրորդական վերամշակման համար:

- հնամաշ դետալների ու մասերի հավաքում հատկացված առանձին տեղում և հանձնվում է որպես մետաղական ջարդոն:

- կենցաղային կեղտաջրերի հեռացում բիոզուգարանի միջոցով, որը կտեղադրվի արտադրական հրապարակում,

- խախտված տարածքների վերականգնում/ռեկուլտիվացիա:

Որպես բնապահպանական միջոցառում նախատեսված է հողաբուսական շերտի՝ N1 արտաքին լցակույտի վրա իրականացնել խոտաբույսերի ցանք և տեղանքին բնորոշ ծառատեսակներով պաշտպանիչ եռաշերտով ծառատունկ, ինչը կհանդիսանա լրացուցիչ պատնեշ գետի և բացահանքի միջև, ինչպես նաև կմեղմվի տեսողական բացասական ազդեցությունը:

Բացահանքի լեռնատեխնիկական վերականգնումն իրականացվելու է բացահանքի շահագործման 30-րդ տարվանից սկսած՝ արդյունահանմանը զուգահեռ: Շահագործման ավարտից հետո ներքին լցակույտում տեղափոխված մակաբացման ապարները /ներառյալ ապարների մնացած 1800մ³ ծավալը/, բուլդոզերով կտեղափոխվեն 1170մ բարձրության հորիզոնի վրա, 3.2մ բարձրությամբ կփոփեն և կհարթեցվեն /որից 2.63մ-ը բարձրությամբ



էյուվիալ առաջացումներն են, իսկ նրա վրա՝ 0.57մ բարձրությամբ՝ հողաբուսական շերտը/։ Հարթեցումը կկատարվի ընդհանուր 26180մ² մակերեսում, այդ թվում՝ բացահանքի հատակի ողջ մակերեսայնությամբ /18435մ²/, արտադրական հրապարակի /1330մ²/, նախկին արտաքին լցակայանի /3425մ²/ և ավտոճանապարհների /2830մ²/ մակերեսներում։ Լեռնատեխնիկական ռեկուլտիվացման իրականացման ծախսերը գնահատվել են՝ 583.7 հազ. ՀՀ դրամ։ Տեխնիկական ռեկուլտիվացումից հետո նախատեսված է կենսաբանական ռեկուլտիվացիա՝ կիրառելով հիդրոցանքի եղանակը։ Այս եղանակով կստեղծվի բուսական շերտ, որով հնարավոր կլինի կանխել հողի էրոզիան։ Ընդհանուր ռեկուլտիվացման ծախսերը կկազմեն՝ 583.7 + 524.0=1107.7 հազ. դրամ։

ՇՄԱԳ-ում նախատեսվել են նաև միջոցառումներ, ուղղված աշխատանքային միջավայրում աշխատողների անվտանգությանը, արտակարգ իրավիճակների արձագանքմանը, հրդեհային անվտանգությանը /արտադրական հրապարակում նախատեսվել հրշեջ հիդրանտի տեղադրում/, հնարավոր սոցիալական ազդեցությունների մեղմմանն ու կանխարգելմանը։ Բոլոր միջոցառումներն իրենց գործողություններով ամփոփվել են բնապահպանական կառավարման և մոնիթորինգի պլաններում։

Սմբատաբերդի անդեզիտաբազալտների հանքավայրի շահագործման ընթացքում «Սմբատաբերդ» ԲԲԸ-ն բացահանքում կիրականացնի շրջակա միջավայրի վրա բացասական ազդեցության կանխարգելմանն ու մեղմացմանն ուղղված մշտադիտարկումներ /մթնոլորտային օդ, հողային ծածկույթ, աղմուկ, կենսաբազմազանություն/, որոնց իրականացման նպատակով նախատեսվում է տարեկան մասնահանել 150.0 հազ.դրամ։

Եզրափակիչ մաս Նախատեսվող գործունեության ՇՄԱԳ հաշվետվության փորձաքննությունն իրականացվել է <<Շրջակա միջավայրի վրա ազդեցության գնահատման և փորձաքննության մասին>> ՀՀ օրենքի պահանջներով։ Գնահատման և փորձաքննության փուլերում գործունեության իրականացման վերաբերյալ Վայոց ձորի մարզի Եղեգիս գյուղում անցկացվել են չորս հանրային քննարկումներ, որոնց ընթացքում գործունեության իրականացումը մասնակիցների կողմից արժանացել է հավանության։ Քննարկումների ընթացքում մասնակիցների և մարզպետարանի աշխատակիցների կողմից կարևորվեց գործունեության իրականացումը՝ ինչպես մարզում սեփական արտադրություն ունենալու, այնպես էլ Եղեգիս գյուղում աշխատատեղեր և լրացուցիչ եկամուտ ունենալու տեսանկյունից։ Ընկերությունը պատրաստակամություն հայտնեց օգտակար լինելու համայնքի բնակչությանը՝ ապահովելով հումքով, կամ աջակցել համայնքում սոցիալական ծրագրերի իրականացմանը։

Փորձաքննական գործընթացին մասնակցել են պետական և տեղական ինքնակառավարման մարմինները, Վայոց ձորի մարզպետարանը, շրջակա միջավայրի նախարարության ստորաբաժանումները, կադաստրի կոմիտեն, առողջապահության և արտակարգ իրավիճակների, կրթության, գիտության, մշակույթի և սպորտի /ԿԳՄՍ/ նախարարությունները, որոնց կողմից ներկայացված կարծիքները ևս հաշվի են առնվել փորձաքննության գործընթացում։ ԿԳՄՍ նախարարության կողմից ստացվել է կարծիք, համաձայն որի, բացահանքի տարածքը գտնվում է «Քաղաքատեղի Եղեգիս» հուշարձանի սահմաններում։ Հանքավայրի համար տրամադրվող տարածքի և հանքավայրի պատմամշակութային հուշարձանների առկայության վերաբերյալ հանձնարարված է են տրվել նախարարության ենթակայության՝ «Պատմամշակութային ժառանգության գիտահետազոտական կենտրոն» ՊՈԱԿ-ին և ՀՀ ԳԱԱ հնագիտության և ազգագրության ինստիտուտին՝ տեղում կատարելու ուսումնասիրություններ։ Համայնքի կառավարման



ուսումնասիրությունների արդյունքների՝ հանքավայրի համար նախատեսված տարածքի մոտ 300 x 80 մ չափերով հատվածը հուշարձանակիր տարածք չէ, իսկ մնացածում հայտնաբերվել է հնագիտական հուշարձան /տարբեր բարձրության և լայնության պատերի մնացորդներ/: Հաշվի առնելով նշվածը նախագծվող տեղամասի մակերեսը փոքրացվել է 1,01 հա-ով /3.35 հա-ից դարձել է 2.34 հա/ ինչը և հաշվի է առնվել նախագծում և ՇՄԱԳ-ում:

ՇՄԱԳ հաշվետվությունում ներկայացված բնապահպանական միջոցառումների և մոնիթորինգի գործողությունների իրականացման դեպքում, գործունեության իրականացման ընթացքում աղտոտվածությունը օդային և ջրային ավազանների, հողային ռեսուրսների ինչպես նաև կենսաբազմազանության վրա կգտնվի թույլատրելի նորմերի սահմաններում:

Փորձաքննական պահանջներ

1. ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N 438 որոշմամբ հաստատված կարգի 43-րդ կետի համաձայն՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնելով լիազորված մարմին՝ համապատասխան պահպանական միջոցառումներ իրականացնելու համար:
2. Հանքարդյունահանման աշխատանքների իրականացման ընթացքում անհրաժեշտ է առաջնորդվել 2018 թվականի փետրվարի 22-ի N 191-Ն որոշման պահանջներով՝ շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը սահմանված ժամկետներում և ձևաչափով ներկայացնել լիազոր մարմին:
3. Հանքավայրի շահագործման ընթացքում աշխատողների անվտանգության և առողջության ապահովման համար անհրաժեշտ է առաջնորդվել ՀՀ աշխատանքային օրենսգրքի 23-րդ գլխի պահանջներով:
4. Հանքավայրը շահագործել ՀՀ օրենսդրությամբ սահմանված կարգով, հողերի կատեգորիան փոխելուց հետո:
5. Գործունեության իրականացման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացումը և ժամանակացույցերը:

ԵԶՐԱԿԱՑՈՒԹՅՈՒՆ

«ՍՄԲԱՏԱԲԵՐԴ» ԲԲԸ կողմից ներկայացված Վայոց ձորի մարզի Սմբատաբերդի անդեզիտաբազալտների հանքավայրի շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադրական պայմանով:

Տնօրենի տեղակալ՝

Գլխ. մասնագետ՝



Գ. Գևորգյան

Շ. Մկրտչյան